

漢西域圖考

漢西域圖考卷之六

番禺李光廷恢垣撰

蔥嶺以西諸國沿革考

康居

今哈薩克右部

康居今哈薩克右中部右西部地其左部屬堅昆事見

塔爾巴哈台篇聖武記所稱三玉斯者也

左部曰鄂爾圖玉斯右中

部曰齊齊玉斯右西部曰烏拉玉斯

右西部漢屬康居元魏時爲者舌國

而分居鐵勒諸部

北史鐵勒傳康國北傍阿得水有訶堅曷截撥忽比干具海曷比悉何嵯

蘇拔也末謁達等屬西突厥卽其地也

隋時屬西突厥唐則突厥可薩部

也其右中部本漢康居王庭武帝朝張騫由匈奴走大宛爲發譯道抵康居其國始見李廣利伐大宛康居畏漢兵盛不敢救元帝初元間郅支單于畏呼韓之迫奔康居康居居之東境建昭三年陳湯兵自烏孫至闐池

西

今特穆爾圖泊

康居副王抱闐方寇赤谷城與漢軍相及爲

漢兵所敗漢兵圍郅支城康居引郅遂斬郅支東漢閉關絕使至明帝永平中班超始通西域章帝建初三年超發康居兵攻姑墨石城破之元和元年超攻疏勒王忠康居救忠超遣月氏諭之康居罷兵章和元年忠借

康居兵還據損中超誘殺忠破其兵其國向雄西域至
晉時併有諸國隋時達頭可汗興屬西突厥唐高祖武
德中統葉護徙都千泉遂霸西戎唃利失所立五大俟
斤居碎葉西皆其地也嗣乙毗咄陸與唃利失爭分伊
列河以西爲咄陸地又屬咄陸賀魯反亦都千泉其西

爲怛邏斯後訛爲塔刺斯

劉郁西使記
作塔刺寺

此爲宗會之地

唐書西域傳云碎葉城西四百里至千泉南雪山三垂
平陸多泉池突厥可汗避暑其中西羸百里至怛邏斯
城卽漢書所云王冬治樂越匿地至夏所居蕃內馬行

七日者也

唐書石國傳天寶初高仙芝斬石國王西域皆怨王子走大食乞兵攻怛邏斯城破仙芝

軍是都護亦居此也怛邏斯南爲白水胡城西突厥傳咄陸率眾渡葉水及石國襲取白水胡城以居此皆右

中部

賀魯平以五弩失畢部爲濠池都護府以封步真

地後屬突騎施又分黃黑兩姓吐火仙居碎葉引爾微特

勒保怛邏斯城地屬黑姓唐末屬葛邏祿五季後通稱

回紇宋室南渡耶律大石建國爲西遼此地隸焉文正

西游錄云索虜城西有塔刺斯城城南有王濟之碑西

契丹盛時富庶甲他處兵後民逃城圯是固西遼巨鎮

也元太祖九年西征討契丹遺俗十年皇子拖雷克昔

刺斯等城地入版圖元史郭德海傳云從先鋒拓柏西

征渡乞則里八海攻鐵山斬首三萬踰雪嶺西北萬里

進軍次苔里國乙酉

太祖廿年

還至崢山此則由鐵山而西

鐵山在賽里木泊西

師行萬里直至北哈薩克境矣後封諸王中

部爲察八兒寬闊地明初有失刺斯

與昔刺斯皆塔刺斯之轉音

有

賽藍有納失者罕

劉郁西使記二十八日過塔刺寺三月初一日至賽藍相距三日程明史

納失者罕傳云去失刺斯數日程皆舟行城東平原饒水草此舟行之水卽吹河之入那林河者

役屬

于撒馬兒罕者皆其地其自立國亦明中葉後也乾隆

二十年準部平阿睦爾薩納逃左部誘其汗阿布賚拒

戰我軍敗之左部降右二部亦降左部逐水草爲行國

與蒙古同設汗一轄色密斯奈曼句及斯班奈曼諸鄂

拓克皆附塔爾巴哈台北右二部有城郭中部置汗一

轄衛遜諸鄂拓克附控郭羅鄂卡倫及鄂爾果珠勒卡

倫在伊犁西素宛鄂拓克附沁達蘭卡倫在伊犁北今皆

在卡倫內阿塔海句瑚素蘭諸鄂拓克則去伊犁西稍遠矣

西部無汗置台吉一轄喀喇拜吉特鄂拓克一轄拜古

吉格特鄂拓克三年一貢歲一市以馬牛易緞布而稅

其百一其國以塔什罕城爲宗會後歸霍罕也

奄蔡

今俄羅斯東境西伯利
部之德波爾斯科地

奄蔡今俄羅斯東境西伯利部之德波爾斯科地前書
所云臨大澤無涯蓋北海者是也東漢朝改名阿蘭聊
役屬康居三國時不屬

魏志注西戎傳奄蔡一名阿蘭
臨大澤故時屬康居今不屬也

北魏時爲匈奴所滅改名粟特亦名溫那沙太武帝太
延元年八月遣使朝獻三年三月五年十一月太平眞
君五年十二月復三貢魏之克姑臧也其國商人多販
涼土悉爲魏虜文成帝太安初匈奴王忽俛得國已三
世矣遣使贖之詔聽焉太安三年正月來貢獻文帝皇

興元年九月孝文帝延興四年正月太和三年十二月
周武帝保大四年皆來貢自後史無聞焉按魏書西域
傳云粟特居大澤在康居西北去代一萬六千里與漢
書同而杜佑通典云粟弋後魏通焉在蔥嶺西大國一
名栗特在安息北五千里附庸小國四百餘城據西圖
考之當在今俄羅斯加匭俄地此則大澤指裏海瀛環
誌畧從之而通典末言
澤也與漢書所言異矣漢時此國未通本屬傳聞今并存
杜說以俟考俄羅斯沿革則別詳條支篇

大宛

今霍
罕

大宛今霍罕地漢武帝時張騫由匈奴走月氏始至其境自西域旣通漢使多言宛有善馬漢使人請之宛令東邊郁成王遮殺漢使太初元年以李廣利爲貳師將軍討之會敗還帝益發兵給貳師至宛圍其城宛人恐殺王母寡獻其頭出馬令漢自擇其別軍亦斬郁成王兵始息時天漢元年也漢乃立昧蔡爲宛王歲餘宛貴人共殺昧蔡立母寡弟日蟬爲宛王遣子入侍而漢使至宛不絕東漢順帝永建五年正月遣使貢獻晉武帝太康六年拜其酋藍庾爲王後并于康居元魏時昭武

氏諸國由祁連徙依蔥嶺遂有其地魏書有悉萬斤卽

唐康國也唐爲昭武氏之康米史小史中曹西曹安東

安何九國

唐書西域傳康國王姓溫後改昭武隋時其王屈木支臣西突厥唐高祖武德十年來獻

馬太宗貞觀九年貢師子十一年來獻金銀桃武后萬歲通天中封其酋篤婆勃提爲王篤婆勃提卒立其子泥涅師師神龍中死國人立突昏元宗開元六年來貢十九年王烏勒上表請封其子咄曷爲曹國王默啜爲米國王許之二十七年烏勒死子咄曷嗣天寶三載封爲欽化王十一載十三載並貢安者元魏名沮密武德中遣使入朝貞觀初來獻方物自言一姓十二世云高宗顯慶中封其王昭武殺爲安息州刺史東安亦于是時封其王昭武閉息爲木鹿州刺史開元十八年東安王篤薩波提遣弟來朝後八年又貢西曹者隋時曹也武德中入朝天寶元年王哥邏僕羅來貢封懷德王中曹居西曹東康之北境米或曰彌末高宗永徽初爲大

食所破顯慶三年授其酋昭武開拙爲南謚州刺史開
元中獻師子胡旋女十八年首領末野門來朝天寶初
封其酋爲恭順王何或曰貴霜匿貞觀十五年遣使來
朝永徽時授其酋昭武婆達地爲貴霜州刺史史或曰
佉沙隋大業中其酋狄遮始通中國號強盛貞觀十六
年其酋沙失畢獻方物顯慶中封其酋失阿喝爲佉沙
州刺史開元十五年酋必多來貢二十八年以助平突
騎施吐火仙功封其酋爲王天寶中詔改史爲來威國
小史亦曰那色波距史國
百五十里爲史所役屬

康亦曰颯末建

卽悉萬斤之
轉後訛爲薛

迷思干撒馬兒
罕又此之轉

在那密水南今霍罕城地水卽那林河

也米曰彌末在康東南今安集延地史曰羯霜那居獨

莫水南

據此則入那林河者尙
有支流今圖失之也

康居小王蘇薤故城今

霍什地其南有鐵門吐火羅分界地也中曹居康北今

霍罕城逾河而北西曹居康西今科拉普東地居河之
南北史云東安在那密水東亦科拉普東地則居河北
安居東安國西在那密水西卽今科拉普西南地何國
今霍占小史在史國西卽霍什之西皆今八城地也肅
宗乾元初九國興兵助順隸朔方行營德宗貞元以後

臣于大食而回教漸興

唐自大中以後回鶻爲張仲武所破徙入西域種漸蔓延而回

教亦興于唐末漸至東北大抵蔥嶺以東多回鶻國蔥嶺而西皆回回國論者混而一之非也

五季後

或稱大食或稱回回蓋不知其舊矣遼時地名尋思干

亦作搏思干

亦曰那米思干薛迷思干宋徽宗宣和五年耶

律大石西至大食假道回鶻萬里至尋思干卽霍罕城也後西至起兒漫稱帝遂統全部欽宗靖康元年大石

東還以此爲河中府焉

文正西游錄河中府亦曰尋思干又長春西游記云自寶藍三

日行至一城其王亦回統也明日復歷一城又二日至霍闡河由浮橋渡泊於西岸其河源出東南二大雪山色渾流急西北注不知其幾千里河之西南絕無水草者二百里又至一城得水草復經三城行半日入南北

平川中仲冬八日過大河至邪米思干城大城之北西契丹之河中府也接霍闡卽那林河今亦有浮橋乾隆五十年布魯特有玉托依瑪斯以造浮橋功受七品秩是也長春由北來其明日復歷之一城卽劉郁西使記之別石闌爲唐石國故地其渡河又至一城當唐東曹國又歷三城則當今之鄂什安集延瑪爾噶朗等城已入霍罕界又渡河至邪米思干城城在河北則唐中曹國也至劉郁西使記由別石闌一日渡河又四日至尋

思干渡河而南不復再渡此則唐之
康國二說未知孰是姑存以俟考也

元太祖九年討契

丹遺俗由忽章河進兵下尋思干城十四年西域叛復

西征明年五月克尋思干以耶律阿海監之十六年可

父國唯算端罕復據尋思干帝至棄城走十九年帝將

征印度角端見自鐵門回軍憲宗元年立阿母河行省

治西域右地此地隸之後封諸王爲察八兒寬闊分地

元史武宗紀至大元年九月命雪尼台鐵木察使薛迷
思干城辛酉遣人至諸王察八兒寬闊所癸亥也列門
合散來自薛迷思干城進呈太祖時所造戶口青冊中
書臣言薛迷思干塔刺斯塔失立等城三年民賦以輸
縣官今因雪尼台鐵木察往彼宜令以二年之賦與寬
闊與元輸之人以一年者上進從之是太祖時寬闊之

祖受封此地境
至哈薩克矣

元末屬駙馬帖木兒始名撒馬兒罕其

故城在今霍罕城南二里一統志稱爲寶瑪爾堪者是

也

明史謂以蒙古語改地名
非也此卽颶末建之轉矣

其時諸王各擁國而帖木

兒西并波斯南至印度古之月氏罽賓高附皆屬焉明

太祖洪武中三貢成祖永樂五年帖木兒死孫哈里立

亦入貢其酋見于史者英宗正統中有兀魯伯曲烈干

天順中有母撒憲宗成化中有阿黑麻至世宗嘉靖中

稱王者五十三人雖定以五年而使者日至則皆假託

矣此外尙有達失干

卽塔什罕之轉西去
撒馬兒罕七百里

小花兒

今科
拉普

在撒馬兒罕即霍什之轉明史本傳云在撒馬兒西北七百里 喝石罕西南三百六十里城居大村宮室

壯麗其先撒馬兒罕酋長帖木兒常居之城外皆水田東南近山又西三百里有石門號為鐵門此即唐史國

也詳見附論 諸國又有黑婁亦近撒馬兒罕則不知何地其

轉為霍罕則在康熙中年後也康熙三十六年 上諭有云噶爾丹曾破回子

中之撒馬兒罕是當時未稱霍罕之證 乾隆二十四年王師平回部博羅

尼都之子薩木克逃霍罕其次子張格爾招安集延兵

入寇道光六年大掠西四城七年三月官兵入始竄回

今其城有霍罕瑪爾噶朗安集延塔什罕此皆在東極東尚有鄂什

小城為入霍罕之路不入此數也 納木干霍什霍占此皆在西南 科拉普此在